



23. september 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

1. Pisorta qarfimmi pisortap Svend Hardenbergip, pisortassatut piukkunneqartunik inuttassarsiuussisarfik Ramsdal qulaajaasussaannerarlugit tusagassiutinut oqarnera Naalakkersuisut uppersarsinnaavaat?

2. Inuttassarsiuussisarfiup Ramsdalip pisortatut piukkunneqartunik qulaajaasussaasimanera Naalakkersuisut *uppersarsinnaappassuk*, ilisimatitsissutigeqqunneqarpoq atorfinitsitsisartut Svend Hardenbergimik siuttuuffigineqartut qanoq ilillutik takunngitsoorsimasinnaaneraat, pappiaqqat atorfinitsitsisartut tigusaat, Greentop Greenlandimit oqaaseqaatinik ilaqanngitsut?

(Inatsisartunut ilaasortaq Jens B. Frederiksen, Demokraatit)

Tunngavilersuut:

Siullermik Aningaasaqarnermut Nunamilu pissutsinut Naalakkersuisup kalaaleq pisortaq soraarsippaa naak suliatigut sunnguamilluunniit pissutissaqanngikkaluatoq. Tamanna Landskarsimut – taamaasillunilu innuttaasunut – 1,6 mio. koruunit sinnerlugit aningaasartuutaavoq.

Tamatuma kingorna Naalakkersuisut pisortamik atorfinitsitsipput sunaaffa sionatigut atorfimminit marlunnit peersitaasimasumik – peqquserluuteqarsimasutut pasineqarnera pissutaalluni. Kisimiigunangilanga imminut aperisoq, qanoq ililluni taama pisoqarsinnaanersoq.

Sermitsiaq-AG-mut Svend Hardenberg, Siulittaasoqarfimmi pisortaasoq ulloq 16. september oqarpoq: ”*Ajuusaarutigeqaarput paasissutissat Berlingske businessip ullumi tamanut saqqummiussai pisinnaasimanninnatsigit.*” Aqaguani KNR-imut oqarpoq: ”*Sparekassimi suliffigisimasaani oqaaseqaatinik pivugut aamma kingullermik atorfigisaani Greentopimit, paasissutissalli pisatta sunnguamilluunniit aarlerilersinngilaatigut.*”

Atuartut upperinnittullu tupassimassapput, Sermitsiaq/AG-p ulloq 18. September nalunaarutigimmagu, Greenland Greentopmi pisortaq piginneqataasorlu Ole Rud naapertorlugu Carsten Frank Hansenip atorfinitsinneqarnissaa sioqqullugu saaffiginnittoqarsimannngisaannartoq.

Ulloq 17. september unnukkut pisorta qarfimmi pisortaq Svend Hardenberg piumasaqaraluarpoq oqaatsimik utertitsiumalluni: KNR-mut oqaatigisimagunangilaa Greentop Greenlandimut paasiniaasoqarsimasoq. Ullorli 18. september KNR-i itigartitsivoq oqarluni aaqqiissuteqarnissartik tunngavissaqanngitsvoq. KNR naapertorlugu Svend Hardenberg issuarneqarsimanermisut oqaaseqarsimavoq aatsaalli oqaluttuunneqarami Greentop Greenlandip pisortaa Ole Rud



oqarsimasoq oqaaseqaatinik piniartoqarsimangitsoq, pisorta qarfimmi pisortap oqaatsini allannortippai.

Pisorta qarfiit – taamaasillunilu kinaluunniit pisorta qarfinni atorfilik; aamma Siulittaasoqarfimmi pisortat – eqqortumik oqaluttussaataapput taamaasillutillu eqqunngitsunik imaluunniit pututitsiniutinik ingerlatitseqqittussaangillat. Tamanna atuuppoq Inatsisartunut aamma innuttaasunut.

Taamaattumik iluatsitsineruallaanngilaq pisorta qarfimi pisorta q KNR-mi issuarneqartut oqaaseqarsimappat.

Tamatumunnga tunngatillugu pingaaruteqarpoq aamma paasissallugu tunngavissaqarnersoq inuttassarsiuussisarfiup Ramsdalip isornartorsiorneqarnissaa, taamatut Svend Hardenberg Sermitsiaq/AG-mi ulloq 18. september saqqummersumi issuarneqarmat. Isornartorsiut saqqummiunneqarmat Ramsdalip pisortaata Sermitsiaq/AG kaammattorpaa Svend Hardenberg attavigissavaa paasisaqarnerorusukkuni inuttarsiuinermut atatillugu suliat agguataarsimanerannut. Tamatuma kingorna Svend Hardenberg oqarpoq Ramsdalip suliaassarismagaa piukkunneqartunik oqaloqatigeeqqaarnissamut ingerlaqqittussanik immikkortiterinissaq misileraanissarlu taavalu aamma tassunga atatillugu Ramsdalip suliaassarismagaa piukkunneqartunik qulaajaanissaq.

Taava apeqqutaaleroq pisorta qarfimmi pisorta q oqaaseqaatiminut tunngatillugu utertitsinissaminik pisariaqartitsissanersoq.

Apeqqutit akeqqunearput tigusineraniit ullut sulliviit nalignnaasut qulit qaangiutsinnagit.

Peqataanik attaveqatigiissimanermut allattugaatit takujumallugit qinnuteqarpunga (aamma oqarasuaatikkut oqaloqatigiittoqarsimappat, oqaloqatigiinnermut atatillugu uppersaatitut allattorsimarsimasinnaasut ilanngullugit) Namminersorlutik Oqartussat Ramsdalillu akornanni, Ramsdalip suliaa atorfirmik inuttaliinissamut tunngasut pillugit.